



KOMUNIKADO PA PRENSA

Fecha

21 mei 2013

Account Manager

Jhanirha Anita

Email

jhanirha.anita@gmail.com

Nr.

MINISTER TA INISIA MEGAPROYEKTO KAYANAN DI KÒRSOU TA BAI WÒRDU ASFALTÁ!

Willemstad - Minister di Tráfiko, Transporte i Planifikashon Urbano, Sr. Earl Balborda awe a firma e akuerdo i a duna inisio na e megaproyekto pa asfaltá kamindanan di nos Pais konosí komo **Proyekto 'Inhaalslag'**.

Gobièrnu di Kòrsou, Kontratistanan Curaçaose Wegenbouw Maatschappij NV i MNO-Vervat, i demas kontratistanan chikitu ta bai traha huntú. Ku e kapital ku gobièrnu a alohá, lo bai kubri, den 3 pa 5 aña, 300 kilometer (60 kilometer pa aña) di kareteranan di nos Pais. Ku e proyekto aki Kòrsou kompletu lo wòrdu asfaltá!

Awe ta sera un kombenio den kual ta komprometé ku otro ku den un periodo di 3 luna lo laga 1) Hasi un investigashon kon ta haña asfalt mas barata i bini ku proposishon konkreto, 2) Hasi un investigashon i bini ku proposishon riba e kalidat di asfalt pa e ta mas duradero, i 3) Bini ku proposishon konkreto kon ta bai ehekutá e megaproyekto aki.

E embergadura di e proyekto aki ta di tal forma ku tur kontratista partisipante mester kumpli ku sierto eksigensia pa loke ta trata siguridat i kalidat.

Durante di e evento pa duna inisio na e proyekto Minister Balborda a enfatisa ku 300 kilometer ta mas o menos 1 kuart di e 1200 kilometer total di kareteranan di Kòrsou. E 300 kilometernan aki ta den un mal estado i ku e proyekto grandi aki lo bai rekupera esaki bastante rapido.

Tambe Minister Balborda a menshona kayanan manera entre otro Cas Coraweg i Persuesweg lo tin prioridat durante e proyekto aki i ku lo informa komunidad debidamente di e desaroyonan ora esaki ta bai tuma luga. Tambe Minister Balborda a hasi menshon di algun rotonde ku lo bai traha manera entre otro na altura di SDK na Brievengat i tambe riba Santa Rosaweg.

Minister Balborda ta sumamente kontentu ku inisio di e proyekto aki i ta pidi koperashon i pasenshi di tur habitante di nos Pais mirando ku un proyekto di e embargadura aki lo trese algun inkubinensia mirando ku lo bai drecha varios kaya prinsipal. Minister Balborda a enfatisa tambe ku e proyekto aki ta trese hopi kupo di trabou pa nos kontratistanan lokal i di e forma aki ta yuda stimula nos ekonomia.



KOMUNIKADO PA PRENSA

Fecha

21 mei 2013

Account Manager

Jhanirha Anita

Email

jhanirha.anita@gmail.com

Nr.

Pueblo por sigui spera mas informashon den e periodo binidero di e megaproyekto aki manera entre otro kua ta e kayanan ku ta bai kuminsá kuné. Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su pagina di Facebook 'Earl W. Balborda, Minister VVRP'.